

**308**

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine na sjednici Predstavničkog doma, održanoj 27. jula 2004. godine, i sjednici Doma naroda, održanoj 29. jula 2004. godine, usvojila je

**ZAKON  
O OSNIVANJU INSTITUTA ZA MJERITELJSTVO  
BOSNE I HERCEGOVINE**

**I - OSNOVNE ODREDBE**

Član 1.

1. Ovim zakonom osniva se kao samostalna državna upravna organizacija Institut za mjeriteljstvo Bosne i Hercegovine (u daljem tekstu: Institut), uređuje se njegov položaj, nadležnost, ovlaštenja kao i druga pitanja od značaja za organizaciju, funkcioniranje i rad Instituta.
2. Institut preuzima poslove u području mjeriteljstva, koji su utvrđeni Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br. 29/00 i 19/01), u skladu s ovim zakonom, Zakonom o mjeriteljstvu Bosne i Hercegovine i Zakonom o mjernim jedinicama Bosne i Hercegovine.

Član 2.

1. Institut obavlja, u okviru djelokruga utvrđenog ovim zakonom, upravne i druge stručne poslove u okviru prava i dužnosti države Bosne i Hercegovine, ako ti poslovi nisu stavljeni u nadležnost drugih državnih organa, odnosno ako nisu zakonom povjereni drugim organizacijama i zajednicama.
2. Institut provodi nadzor nad izvršavanjem zakona i drugih propisa iz nadležnosti Instituta na teritoriji Bosne i Hercegovine ako drugačije nije uređeno.
3. Bosna i Hercegovina, putem Instituta, ostvaruje članstvo i saradnju s odgovarajućim međunarodnim institucijama i sa sličnim nacionalnim institucijama u području mjeriteljstva. Saradnja s međunarodnim organizacijama ostvaruje se putem članstva, javne komunikacije, razmjene dokumentacije, tehničke pomoći, edukacije i drugim oblicima zavisno od prirode i načina njenog ostvarivanja.

Član 3.

1. Institut ima svojstvo pravnog lica.
2. Sjedište Instituta je u Sarajevu.

Član 4.

1. Rad Instituta dostupan je javnosti.
2. Javnost rada Instituta može se ograničiti ili isključiti samo u slučajevima utvrđenim zakonom.
3. Institut osigurava jednak položaj svim strankama u skladu sa Zakonom o upravnom postupku ("Službeni glasnik BiH", broj 29/02).
4. U Institutu se osigurava odgovarajuća nacionalna zastupljenost državnih službenika i namještenika u skladu sa zakonom.

#### Član 5.

1. Institut ima pečat, koji je izrađen u skladu sa Zakonom o pečatu institucija Bosne i Hercegovine ("Službeni glasnik BiH", br. 12/98 i 14/03).
2. Na zgradi, u kojoj je smješten Institut, mora biti istaknut naziv Instituta i državni grb.
3. Naziv Instituta mora biti ispisan na bosanskom, hrvatskom, i srpskom jeziku, latiničnim i ćiriličnim pismom.

#### Član 6.

1. U Institutu su u ravnopravnoj upotrebi službeni jezici: bosanski, srpski i hrvatski.
2. Službena pisma su latinica i ćirilica.
3. U postupku pred Institutom mogu se koristiti i drugi jezici koji nisu u službenoj upotrebi.

### II - NADLEŽNOST INSTITUTA

#### Član 7.

1. Institut kao državna naučno-stručna institucija za oblast mjeriteljstva i mjerne tehnike nadležan je da u ovim oblastima:
  - a. priprema nacрте zakonskih akata i drugih propisa iz domena svoje nadležnosti i koordinira donošenje propisa po kojima rade institucije za mjeriteljstvo u entitetima,
  - b. ostvaruje etalonsku bazu na nivou državnih etalona i nadzire ostvarivanje etalonske baze sekundarnih i radnih etalona,
  - c. osigurava sljedivost mjerenja u BiH do međuna rod - nih etalona mjernih jedinica,
  - d. uspostavlja, imenuje i nadzire mjeriteljske labora - torije,
  - e. nadzire i koordinira rad službi za kontrolu predmeta od plemenitih metala,
  - f. vrši kalibraciju i verifikaciju etalona (mjerila), referentnih materijala i opreme koju koriste institucije u entitetima za mjeriteljstvo u skladu s propisima usklađenim s preporukama i dokumentima Među na - rod ne organizacije za zakonsko mjeriteljstvo (OIML) kao i s drugim relevantnim međunarodnim nor ma tivnim dokumentima,
  - g. bavi se istraživačko-razvojnou djelatnošću, predlaže i određuje prioritete realizacije razvojnih projekata i učestvuje u međunarodnim projektima,
  - h. izrađuje studije, strategije razvoja, projekte, analize i druge poslove u cilju izgradnje mjeriteljskog sistema u BiH i mjeriteljske laboratorijske infrastrukture,
  - i. provodi međunarodne ugovore o saradnji u oblasti mjeriteljstva, te učestvuje u radu međunarodnih organizacija i u njima predstavlja Bosnu i Hercegovinu.

### III - UNUTRAŠNJA ORGANIZACIJA

#### Član 8.

1. Unutrašnja organizacija Instituta zasniva se na principima utvrđenim Zakonom o upravi ("Službeni glasnik BiH", broj 32/02) i Zakonom o državnoj službi u institucijama Bosne i Hercegovine ("Službeni glasnik BiH", br. 19/02 i 35/03).
2. Unutrašnja organizacija Instituta uređuje se Pravilnikom o unutrašnjoj organizaciji, koji donosi direktor Instituta uz saglasnost Vijeća ministara Bosne i Hercegovine.

### IV - RUKOVOĐENJE INSTITUTOM

#### Član 9.

1. Institutom rukovodi direktor.

2. Direktor Instituta predstavlja i zastupa Institut, odgovoran je za obavljanje posebnih zadataka utvrđenih odlukama Vijeća ministara BiH, organizira i osigurava zakonito i efikasno obavljanje poslova, donosi propise kada je za to zakonom BiH ovlašten, izdaje druge akte za koje je ovlašten i poduzima druge mjere iz nadležnosti Instituta, te odlučuje, u skladu sa zakonom BiH, o pravima, obavezama i odgovornostima državnih službenika i zaposlenika u vršenju službe.
3. Direktor Instituta ima zamjenika, koji ga zamjenjuje ukoliko on nije u mogućnosti izvršavati svoja ovlaštenja i obaveze.
4. Direktora i zamjenika Instituta imenuje Vijeće ministara BiH, po prethodno pribavljenom mišljenju Agencije za državnu službu, sa liste uspješnih kandidata koji su prošli javni konkurs.
5. Mandat direktora i zamjenika direktora Instituta traje pet godina i može se produžiti za još pet godina, tako da najduži pe riiod postavljanja na takvo radno mjesto traje deset godina.
6. Direktor i zamjenik direktora Instituta obavezni su, na osnovu Ustava, zakona, drugih propisa i smjernica Vijeća ministara BiH, savjesno vršiti povjerenu dužnost i lično su odgovorni za njihovo izvršenje, kao i za rad Instituta.

#### Član 10.

Rukovodeći državni službenici pomažu direktoru i zamjeniku direktora u rukovođenju pojedinim područjima rada.

#### Član 11.

1. Direktor Instituta dužan je za svaku godinu donijeti program rada i podnijeti izvještaj o radu.
2. Pro gram rada i izvještaj o radu podnose se Vijećuministara BiH na način i po postupku utvrđenom Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03 i 42/03).

### V - DRŽAVNI SLUŽBENICI I ZAPOSLENICI

#### Član 12.

1. Poslove osnovnih djelatnosti, koji su ovim zakonom stavljeni u nadležnost Instituta, obavljaju državni službenici, koji se postavljaju na radna mjesta utvrđena Zakonom o državnoj službi u institucijama Bosne i Hercegovine ("Službeni glasnik BiH", br. 19/02 i 35/03).
2. Kategorije u okviru radnih mjesta koje obavljaju državni službenici utvrđuju se Pravilnikom o unutrašnjoj organizaciji Instituta.
3. Postavljanje državnih službenika na radna mjesta u Institutu, njihova prava, obaveze i odgovornosti i druga statusna pitanja, plaće i druga materijalna primanja državnih službenika, kao i sprečavanje sukoba interesa u obavljanju dužnosti državnih službenika uređuje se u skladu sa Zakonom o državnoj službi u institucijama BiH ("Službeni glasnik BiH", br. 19/02 i 35/03) i drugim posebnim zakonom.
4. Pomoćno-tehničke poslove u Institutu obavljaju zaposlenici, u skladu s važećim propisima.
5. Prijem zaposlenika u radni odnos, prava, obaveze, odgovornosti i druga statusna pitanja, kao i plaće i druga materijalna primanja zaposlenika uređuju se u skladu s posebnim zakonom.

### VI - SREDSTVA ZA FINANSIRANJE INSTITUTA

#### Član 13.

1. Institut se finansira iz budžeta Bosne i Hercegovine koji se sastoji od sredstava iz državnog budžeta i iz sredstava ostvarenih pružanjem usluga iz svoje djelatnosti.
2. Sredstva za rad Instituta iskazuju se u budžetu, koji donosi Parlamentarna skupština Bosne i Hercegovine.
3. Sredstva za rad Instituta čine: sredstva za plaće, sredstva za materijalne troškove, sredstva za posebne namjene, sredstva za opremu i sredstva za razvoj sistema.

4. Sredstva za plaće, sredstva za materijalne troškove, sredstva za posebne namjene i sredstva za opremu osiguravaju se iz državnog budžeta (troškovi vezani za realizaciju člana 7. tač. a, b, c, d, e, f, i).
5. Sredstva za razvoj sistema osiguravaju se iz sredstava ostvarenih pružanjem usluga iz svoje djelatnosti privrednim subjektima i državnim institucijama (troškovi vezani za realizaciju člana 7. tač. g, h).
6. Sredstva iz budžeta Bosne i Hercegovine osiguravaju se u skladu sa Zakonom o izvršenju budžeta institucija BiH.
7. Direktor Instituta je naredbodavac za pripremu predračuna budžetskih sredstava i izvršenje finansijskog plana Instituta.

## VII - PRIJELAZNE I ZAVRŠNE ODREDBE

### Član 14.

1. Institut za standarde, mjeriteljstvo i intelektualno vlasništvo Bosne i Hercegovine, koji je osnovan Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", broj 29/00 i 19/01), prestaje s radom nakon isteka 60 dana, računajući od dana davanja saglasnosti Vijeća ministara Bosne i Hercegovine na Pravilnik o unutrašnjoj organizaciji Instituta.
2. Zajednička komisija, koju imenuje Vijeće ministara Bosne i Hercegovine, a sačinjavaju je predstavnici Instituta za standarde, mjeriteljstvo i intelektualno vlasništvo Bosne i Hercegovine i predstavnici novoosnovanih instituta u skladu s članom 13. stav 3. Zakona o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br. 29/00 i 19/01) (Institut za mjeriteljstvo Bosne i Hercegovine, Institut za standardizaciju Bosne i Hercegovine i Institut za intelektualno vlasništvo Bosne i Hercegovine), odredit će način preuzimanja i raspoređivanja poslova, opreme, arhive i novčanih sredstava i preuzimanja državnih službenika i zaposlenika, koji se u tom svojstvu zateknu u Institutu za standarde, mjeriteljstvo i intelektualno vlasništvo Bosne i Hercegovine na dan stupanja na snagu ovog zakona.
3. Institut za mjeriteljstvo Bosne i Hercegovine preuzima poslove, opremu, arhivu i novčana sredstva i državne službenike i zaposlenike danom potpisivanja zapisnika o izvršenoj primopredaji, sačinjenog od Komisije iz stava 2. ovog člana a u skladu s Odlukom o preuzimanju poslova između ministarstava osnovanih ranijim Zakonom o Vijeću ministara Bosne i Hercegovine i ministarstvima Bosne i Hercegovine i ministarstava osnovanih Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03 i 42/03).

### Član 15.

1. Direktor Instituta za mjeriteljstvo Bosne i Hercegovine donijet će Pravilnik o unutrašnjoj organizaciji Instituta, u roku od 60 dana računajući od dana imenovanja na mjesto direktora.
2. Raspoređivanje državnih službenika i zaposlenika na odgovarajuće poslove i zadatke u skladu s Pravilnikom iz stava 1. ovog člana izvršit će se u roku od 30 dana računajući od dana donošenja Pravilnika o unutrašnjoj organizaciji Instituta.

### Član 16.

1. Direktor Instituta, pomoćnici direktora i drugi rukovodni radnici Instituta za standarde, mjeriteljstvo i intelektualno vlasništvo Bosne i Hercegovine obavljaju svoje poslove do okončanja redovne zakonske pro ce dure izbora na rukovodna radna mjesta u skladu s ovim zakonom i Pravilnikom o unutrašnjoj organizaciji Instituta.
2. Prava rukovodnih radnika koji su stavljeni na raspolaganje rješavaju se u skladu sa Zakonom o državnoj službi u institucijama BiH i Pravilnikom o radnim odnosima Instituta.

#### Član 17.

Sva rješenja, odluke, certifikati i ostali dokumenti u oblasti mjeriteljstva, koje je naslijedio ili donio Institut za standarde, mjeriteljstvo i intelektualno vlasništvo Bosne i Hercegovine do dana stupanja na snagu ovog zakona, ostaju na snazi, dok u zakonskoj proceduri ne budu zamijenjeni ili dok im se ne produži trajanje.

#### Član 18.

Ovaj zakon stu pa na snagu osmog dana od dana objavljivanja u "Službenom glasniku BiH".

---

PSBiH broj 85/04 29. jula 2004. Godine Sarajevo

---

Predsjedavajući Predstavničkog doma Parlamentarne skupštine BiH Martin Raguž, s. r.

---

Predsjedavajući Doma naroda Parlamentarne skupštine BiH Goran Milojević, s. r.

---

Na temelju članka IV. 4.a) Ustava Bosne i Hercegovine, Parlamentarna skupština Bosne i Hercegovine na sjednici Zastupničkog doma, održanoj 27. srpnja 2004, i sjednici Doma naroda, održanoj 29. srpnja 2004, usvojila je

### **ZAKON O OSNIVANJU INSTITUTA ZA MJERITELJSTVO BOSNE I HERCEGOVINE**

#### I - TEMELJNE ODREDBE

##### Članak 1.

1. Ovim se zakonom osniva kao samostalna državna upravna organizacija Institut za mjeriteljstvo Bosne i Hercegovine (u daljnjem tekstu: Institut), uređuje se njegov položaj, mjerodavnost, ovlasti kao i druga pitanja od značaja za ustrojstvo, funkcioniranje i rad Instituta.
2. Institut preuzima poslove u području mjeriteljstva, koji su utvrđeni Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br. 29/00 i 19/01), sukladno ovom zakonu, Zakonu o mjeriteljstvu Bosne i Hercegovine i Zakonu o mjernim jedinicama Bosne i Hercegovine.

##### Članak 2.

1. Institut obavlja, u okviru djelokruga utvrđenog ovim zakonom, upravne i druge stručne poslove u okviru prava i dužnosti države Bosne i Hercegovine, ako ti poslovi nisu stavljani u mjerodavnost drugih državnih organa, odnosno ako nisu zakonom povjereni drugim organizacijama i zajednicama.

2. Institut provodi nadzor nad izvršavanjem zakona i drugih propisa iz mjerodavnosti Instituta na teritoriju Bosne i Hercegovine ako drugačije nije uređeno.

3. Bosna i Hercegovina, putem Instituta, ostvaruje članstvo i suradnju s odgovarajućim međunarodnim institucijama i sa sličnim nacionalnim institucijama u području mjeriteljstva. Saradnja s međunarodnim organizacijama ostvaruje se putem članstva, javne komunikacije, razmjene dokumentacije, tehničke pomoći, edukacije i drugim oblicima ovisno o naravi i načinu njezina ostvarivanja.

#### Članak 3.

1. Institut ima svojstvo pravne osobe.
2. Sjedište Instituta je u Sarajevu.

#### Članak 4.

1. Rad Instituta dostupan je javnosti.
2. Javnost rada Instituta može se ograničiti ili isključiti samo u slučajevima utvrđenim zakonom.
3. Institut osigurava jednak položaj svim strankama sukladno Zakonu o upravnom postupku ("Službeni glasnik BiH", broj 29/02).
4. U Institutu se osigurava odgovarajuća nacionalna zastupljenost državnih službenika i namještenika sukladno zakonu.

#### Članak 5.

1. Institut ima pečat, koji je izrađen sukladno Zakonu o pečatu institucija Bosne i Hercegovine ("Službeni glasnik BiH", br. 12/98 i 14/03).
2. Na zgradi, u kojoj je smješten Institut, mora biti istaknut naziv Instituta i državni grb.
3. Naziv Instituta mora biti ispisan na bosanskom, hrvatskom, i srpskom jeziku, latiničnim i ćirilničnim pismom.

#### Članak 6.

1. U Institutu su u ravnopravnoj uporabi službeni jezici: bosanski, srpski i hrvatski.
2. Službena pisma su latinica i ćirilica.
3. U postupku pred Institutom mogu se koristiti i drugi jezici koji nisu u službenoj uporabi.

## II - MJERODAVNOST INSTITUTA

#### Članak 7.

Institut kao državna znanstveno-stručna institucija za područje mjeriteljstva i mjerne tehnike mjerodavan je u ovim područjima:

- a. pripremati nacрте zakonskih akata i drugih propisa iz domena svoje mjerodavnosti i koordinirati donošenje propisa po kojima rade institucije za mjeriteljstvo u entitetima,
- b. ostvarivati etalonsku bazu na razini državnih etalona i nadzirati ostvarivanje etalonske baze sekundarnih i radnih etalona,
- c. osiguravati sljedivost mjerenja u BiH do međunarodnih etalona mjernih jedinica,
- d. uspostavljati, imenovati i nadzirati mjeriteljske laboratorije,
- e. nadzirati i koordinirati rad službi za kontrolu predmeta od plemenitih metala,
- f. vršiti kalibraciju i verifikaciju etalona (mjerila), referentnih materijala i opreme koju koriste institucije u entitetima za mjeriteljstvo sukladno propisima usklađenim s preporukama i dokumentima Međunarodne organizacije za zakonsko mjeriteljstvo (OIML) kao i s drugim relevantnim međunarodnim normativnim dokumentima,
- g. baviti se istraživačko-razvojnou djelatnošću, predlagati i određivati prioritete realizacije razvojnih projekata i sudjelovati u međunarodnim projektima,

h. izrađivati studije, strategije razvoja, projekte, analize i druge poslove s ciljem izgradnje mjeriteljskog sustava u BiH i mjeriteljske laboratorijske infrastrukture, i. provoditi međunarodne ugovore o suradnji u području mjeriteljstva, te sudjelovati u radu međunarodnih organizacija i u njima predstavljati Bosnu i Hercegovinu.

### III - UNUTARNJE USTROJSTVO

#### Članak 8.

1. Unutarnje ustrojstvo Instituta zasniva se na principima utvrđenim Zakonom o upravi ("Službeni glasnik BiH", broj 32/02) i Zakonom o državnoj službi u institucijama Bosne i Hercegovine ("Službeni glasnik BiH", br. 19/02 i 35/03).

2. Unutarnje ustrojstvo Instituta uređuje se Pravilnikom o unutarnjem ustrojstvu, koji donosi ravnatelj Instituta uz suglasnost Vijeća ministara Bosne i Hercegovine.

### IV - RUKOVOĐENJE INSTITUTOM

#### Članak 9.

1. Institutom rukovodi ravnatelj.

2. Ravnatelj Instituta predstavlja i zastupa Institut, odgovoran je za obavljanje posebnih zadataka utvrđenih odlukama Vijeća ministara BiH, organizira i osigurava zakonito i učinkovito obavljanje poslova, donosi propise kada je za to zakonom BiH ovlašten, izdaje druge akte za koje je ovlašten i poduzima druge mjere iz mjerodavnosti Instituta, te odlučuje, sukladno zakonu BiH, o pravima, obvezama i odgovornostima državnih službenika i uposlenika u obavljanju službe.

3. Ravnatelj Instituta ima zamjenika, koji ga zamjenjuje ako on nije u mogućnosti izvršavati svoje ovlasti i obveze.

4. Ravnatelja i zamjenika Instituta imenuje Vijeće ministara BiH, po prethodno pribavljenom mišljenju Agencije za državnu službu, s liste uspješnih kandidata koji su prošli javni natječaj.

5. Mandat ravnatelja i zamjenika ravnatelja Instituta traje pet godina i može se produljiti za još pet godina, tako da najdulje razdoblje postavljanja na takvo radno mjesto traje deset godina.

6. Ravnatelj i zamjenik ravnatelja Instituta obvezni su, na temelju Ustava, zakona, drugih propisa i smjernica Vijeća ministara BiH, savjesno obavljati povjerenu dužnost i osobno su odgovorni za njihovo izvršenje, kao i za rad Instituta.

#### Članak 10.

Rukovodeći državni službenici pomažu ravnatelju i zamjeniku ravnatelja u rukovođenju pojedinim područjima rada.

#### Članak 11.

1. Ravnatelj Instituta dužan je za svaku godinu donijeti program rada i podnijeti izvješće o radu.

2. Program rada i izvješće o radu podnose se Vijeću ministara BiH na način i po postupku utvrđenom Zakonom o ministarstvima i drugim tijelima uprave Bosne i Hercegovine ("Službeni glasnik BiH", br. 5/03 i 42/03).

### V - DRŽAVNI SLUŽBENICI I UPOSLENICI

#### Članak 12.

1. Poslove osnovnih djelatnosti, koji su ovim zakonom stavljeni u mjerodavnost Instituta, obavljaju državni službenici, koji se postavljaju na radna mjesta utvrđena Zakonom o državnoj službi u institucijama Bosne i Hercegovine ("Službeni glasnik BiH", br. 19/02 i 35/03).

2. Kategorije u okviru radnih mjesta koje obavljaju državni službenici utvrđuju se Pravilnikom o unutarnjem ustrojstvu Instituta.
3. Postavljanje državnih službenika na radna mjesta u Institutu, njihova prava, obveze i odgovornosti i druga statusna pitanja, plaće i druga materijalna primanja državnih službenika, kao i sprečavanje sukoba interesa u obavljanju dužnosti državnih službenika uređuje se sukladno Zakonu o državnoj službi u institucijama BiH ("Službeni glasnik BiH", br. 19/02 i 35/03) i drugim posebnim zakonom.
4. Pomoćno-tehničke poslove u Institutu obavljaju uposlenici, sukladno važećim propisima.
5. Prijem uposlenika u radni odnos, prava, obveze, odgovornosti i druga statusna pitanja, kao i plaće i druga materijalna primanja uposlenika uređuju se sukladno posebnom zakonu.

## VI - SREDSTVA ZA FINANCIRANJE INSTITUTA

### Članak 13.

1. Institut se financira iz proračuna Bosne i Hercegovine koji se sastoji od sredstava iz državnog proračuna i iz sredstava ostvarenih pružanjem usluga iz svoje djelatnosti.
2. Sredstva za rad Instituta iskazuju se u Proračunu, koji donosi Parlamentarna skupština Bosne i Hercegovine.
3. Sredstva za rad Instituta čine: sredstva za plaće, sredstva za materijalne troškove, sredstva za posebne namjene, sredstva za opremu i sredstva za razvoj sustava.
4. Sredstva za plaće, sredstva za materijalne troškove, sredstva za posebne namjene i sredstva za opremu osiguravaju se iz državnog proračuna (troškovi vezani za realizaciju članka 7. toč. a, b, c, d, e, f, i).
5. Sredstva za razvoj sustava osiguravaju se iz sredstava ostvarenih pružanjem usluga iz svoje djelatnosti gospodarskim subjektima i državnim institucijama (troškovi vezani za realizaciju članka 7. toč. g, h).
6. Sredstva iz Proračuna Bosne i Hercegovine osiguravaju se sukladno Zakonu o izvršenju proračuna institucija BiH.
7. Ravnatelj Instituta je naredbodavac za pripremu predračuna proračunskih sredstava i izvršenja financijskog plana Instituta.

## VII - PRIJELAZNE I ZAVRŠNE ODREDBE

### Članak 14.

1. Institut za standarde, mjeriteljstvo i intelektualno vlasništvo Bosne i Hercegovine, koji je osnovan Zakonom o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni list BiH", br. 29/00 i 19/01) prestaje s radom nakon isteka 60 dana, računajući od dana davanja suglasnosti Vijeća ministara Bosne i Hercegovine na Pravilnik o unutarnjem ustrojstvu Instituta.
2. Zajedničko povjerenstvo, koje imenuje Vijeće ministara Bosne i Hercegovine, a sačinjavaju ga predstavnici Instituta za standarde, mjeriteljstvo i intelektualno vlasništvo Bosne i Hercegovine i predstavnici novoosnovanih instituta sukladno članku 13. stavak 3. Zakona o osnivanju Instituta za standarde, mjeriteljstvo i intelektualno vlasništvo Bosne i Hercegovine ("Službeni glasnik BiH", br. 29/00 i 19/01) (Institut za mjeriteljstvo Bosne i Hercegovine, Institut za standardizaciju Bosne i Hercegovine i Institut za intelektualno vlasništvo Bosne i Hercegovine), odredit će način preuzimanja i raspoređivanja poslova, opreme, arhive i novčanih sredstava i preuzimanja državnih službenika i uposlenika, koji se u tom svojstvu zateknu u Institutu za standarde, mjeriteljstvo i intelektualno vlasništvo Bosne i Hercegovine na dan stupanja na snagu ovoga zakona.
3. Institut za mjeriteljstvo Bosne i Hercegovine preuzima poslove, opremu, arhivu i novčana sredstva i državne službenike i uposlenike danom potpisivanja zapisnika o izvršenoj primopre



daji, sačinjenog od Povjerenstva iz stavka 2. ovog članka sukladno Odluci o preuzimanju poslova između ministarstava osnovanih ranijim Zakonom o Vijeću ministara Bosne i Hercegovine i ministarstvima Bosne i Hercegovine i ministarstava osnovanih Zakonom o ministarstvima i drugim tijelima uprave Bosne i Hercegovine ("Službeni glasnik BiH", br. 5/03 i 42/03).

#### Članak 15.

1. Ravnatelj Instituta za mjeriteljstvo Bosne i Hercegovine donijet će Pravilnik o unutarnjem ustrojstvu Instituta, u roku od 60 dana računajući od dana imenovanja na mjesto ravnatelja.
2. Raspoređivanje državnih službenika i uposlenika na odgovarajuće poslove i zadatke sukladno Pravilniku iz stavka 1. ovoga članka izvršit će se u roku od 30 dana računajući od dana donošenja Pravilnika o unutarnjem ustrojstvu Instituta.

#### Članak 16.

1. Ravnatelj Instituta, pomoćnici ravnatelja i drugi rukovodni radnici Instituta za standarde, mjeriteljstvo i intelektualno vlasništvo Bosne i Hercegovine obavljaju svoje poslove do okončanja redovne zakonske pro ce dure izbora na rukovodna radna mjesta sukladno ovom zakonu i Pravilniku o unutarnjem ustrojstvu Instituta.
2. Prava rukovodnih radnika koji su stavljeni na raspolaganje rješavaju se sukladno Zakonu o državnoj službi u institucijama BiH i Pravilniku o radnim odnosima Instituta.

#### Članak 17.

Sva rješenja, odluke, certifikati i ostali dokumenti u području mjeriteljstva, koje je naslijedio ili donio Institut za standarde, mjeriteljstvo i intelektualno vlasništvo Bosne i Hercegovine do dana stupanja na snagu ovoga zakona, ostaju na snazi, dok u zakonskoj proceduri ne budu zamijenjeni ili dok im se ne produlji trajanje.

#### Članak 18.

Ovaj zakon stu pa na snagu osmog dana od dana objave u "Službenom glasniku BiH".

---

PS BiH broj 85/04 29. srpnja 2004. Godine Sarajevo

---

Predsjedatelj Zastupničkog doma Parlamentarne skupštine BiH Mar tin Raguž, v. r.

---

Predsjedatelj Doma naroda Parlamentarne skupštine BiH Goran Milojević, v. r.